



**EPISTOLA ENCYCLICA**  
**DE ROSARIO MARIALI**  
**LEOPP. XIII**  
**VENERABILES FRATRES**

**SALUTEM ET APOSTOLICAM BENEDICTIONEM**

**A**UGUSTISSIMAE Virginis Mariae foveri assidue cultum et contentiore quotidie studio promoveri quantum privatim publicaeque intersit, facile quisque perspiciet, qui secum reputaverit, quam excelsa dignitatis et gloriae festigio Deus ipsam collocarit. Eam enim ab aeterno ordinavit ut mater Verbi fieret humanam carnem assumpturi; adeoque inter omnia, quae essent in triplici ordine naturae, gratiae, gloriæque pulcherrima ita distinxit, ut merito eidem Ecclesia verba illa tribuerit: *Ego ex ore Altissimi prodici primogenita ante omnem creaturam* (1). Ubi autem volvi primum coepere saecula, lapsis in culpam humeni generis auctoribus infectisque eadem labe posteris universis, quasi pignus constituta est instaurandae pacis atque salutis. — Nec dubiis honoris significationibus Unigenitus Dei Filius sanctissimam matrem est prosequutus. Nam et dum privatam in terris vitam egit, ipsam adscivit utriusque prodigii administram, quae tunc primum patravit; alterum gratiae, quo ad Mariae salutationem exultavit infans in utero Elisabeth; alterum naturae, quo aquam in vinum convertit ad Censae nuptias; et quum supremo vitae suae publicae tempore novum conderet Testamentum divino sanguine obsignandum, eandem dilecto Apostolo commissit verbis illis dulcissimis: *Ecco Mater tua* (2). Nos igitur qui, licet indigni, vices ac personam gerimus in terris Iesu Christi Filii Dei, tantae Matris persequi laudes nunquam desistemus, dum hac lucis usura fruamur. Quum quia sentimus hanc futuram Nobis, ingrevescente aetate, diuturnam, facere non possumus quin omnibus et singulis in Christo filiis Nostris Ipsius cruce pendentis extrema verba, quasi testamento relicto, iteremus: *Ecco mater tua*. Ac praecclare quidem Nobiscum actum esse censebimus, si id Nostrae commendationes effecerint, ut unusquisque fidelis Mariali cultu nihil

(1) Eccl. XXIV, 5.—(2) Io. XIX, 27.

habeat antiquius, nihil carius, liceatque de singulis usurpare verba Ioannis, quae de se scripsit: *Acceptit eam discipulus in sua* (1).— Adventante igitur mense Octobri, ne hoc quidem anno palimur, Venerabiles Fratres, carere vos Litteris Nostris, rursus adhortantes sollicitudine, qua possumus maxima, ut Rosarii recitatione studeat sibi quisque ac laboranti Ecclesiae demereri. Quod quidem precandi genus divina providentia videtur sub huius saeculi exitum mire invaluisse, ut languescens fidelium excitaretur pietas; idque maxime testantur insignia templa ac sacras Deiparae cultu celeberrima. — Huic divinae Matri, cui flores dedimus mense Maio, velimus omnes fructiferum quoque Octobrem singulari pietatis affectu esse dicatum. Docet enim utrumque hoc anni tempus ei consecrari, quae de se dixit: *Flores mei fructus honoris et honestatis* (2).

Vitae societas atque coniunctio, ad quam homines natura feruntur, nulla aetate fortasse rectius effecta est, aut tanto studio tamque communi expetita, quam nostra. Nec quisquam sane id reprehendat, nisi vis haec naturae nobilissima ad prava saepe consilia detorqueatur, convenientibus in unum atque in varii generis societates coeuntibus impii hominibus *adversus Dominum et adversus Christum Eius* (3). Cernere tamen est, idque profecto accidit iucundissimum, inter catholicos etiam adamari magis coeptos pios coetus; eos haberi confertissimos; iis quasi communibus domiciliis christianae vinculo dilectionis ita adstringi cu ctos et quasi coalescere, ut vere fratres et dici posse et esse videantur. Neque enim, Christi caritate sublevis, fraternas societate et nomine gloriarı quisquam potest; quod acriter olim Tertullianus haec verbis persequabatur: *Fratres vestri sumus iure naturae matris unius, etsi eos parum homines, quia mali fratres. At quanto dignius fratres, etsi dicuntur et habentur qui unum patrem Deum agnoscunt, qui unum spiritum biberunt sanctitatis qui de uno utroque ignorantiae eiusdem ad unam lucem expperint veritatis?* (4) Multiplex autem ratio est, qua catholici homines societates huiusmodi saluberrimas inire solent. Huc enim et circuli, ut aiunt, et rustica aetaria pertinent, itemque conventus animis per dies festos relaxandis, et recessus pueritiae advigilanda, et sodalitates, et coetus alii optimis consiliis instituti complures. Profecto haec omnia, etsi nomine, forma, aut suo quaque peculiari ac proximo fine, recens inventa esse videntur, re tamen ipsa sunt antiquissima. Constat enim, in ipsis christianae religionis exordiis eius generis societatum vestigia reperiri. Serius autem legibus confirmatae, suis distinctae signis, privilegiis donatae, divinum ad cultum in templis adhibitae, aut animis corporibusque sublevandis destinatae, variis nominibus, pro varia temporum ratione, appellatae sunt. Quarum numerus in dies ita percrebuit, ut, in Italia maxime, nulla civitas, oppidum nullum, nulla ferme parocchia sit, ubi non illae aut complures, aut aliquae certe habeantur.

(1) Ib.—(2) Eccl. XXIV, 23.—(3) Ps. II, 2.—(4) Apolog. c. XXXIX.

In his minime dubitamus praeclarum dignitatis locum assignare sodalitati, quae a sanctissimo Rosario nuncupatur. Nam sive eius spectetur origo, e primis pollet antiquitate, quod eiusmodi institutionis auctor fuisse feratur ipse Dominicus pater; sive privilegia aestimentur, quamplurimis ipsa ornata est, Decessorum Nostrorum munificentia.—Eius institutionis forma et quasi anima est Mariale Rosarium, cuius de virtute fuse alias loquuti sumus. Verumtamen ipsius Rosarii vis atque efficacia, prout est officium Sodalitati, quae ab ipso nomen mutuatur, adiunctum, longe etiam maior apparet. Neminem enim latet, quae sit omnibus orandi necessitas, non quod immutari possint divina decreta, sed, ex Gregorii sententia, *ut homines postulando mereantur accipere quod eis Deus omnipotens ante saecula disposuit donare* (1). Ex Augustino autem: *qui recte novit orare, recte novit vivere* (2). At preces tunc maxime robur assumunt ad caelestem opem impetrandam, quum et publice et constanter et concorditer funduntur a multis, ita ut velut unus efficiatur precantium chorus: quod quidem illa aperte declarant Actuum Apostolicorum, ubi Christi discipuli, expectantes promissum Spiritum Sanctum, fuisse dicuntur *perseverantes unanimiter in oratione* (3). Hunc orandi modum qui sectentur, certissimo fructu carere poterunt nunquam. Iam id plane accidit inter sodales a sacro Rosario. Nam, sicut a sacerdotibus, divini Officii recitatione, publice iugiterque supplicatur, ideoque validissime; ita, publica quodammodo, iugis, communis est supplicatio sodalium, quae fit recitatione Rosarii, vel *Psalterii Virginis*, ut a nonnullis etiam Romensis Pontificibus appellatum est.

Quod autem, uti diximus, preces publice adhibitae multo iis praesent, quae privatim fundantur, vimque habeant impetrandi maiorem, factum est ut Sodalitati a sacro Rosario nomen ab Ecclesiae scriptoribus inditum fuerit militiae praesentis, a Dominico Patre sub divinae Matris vexillo conscriptae, quam scilicet divinam Matrem sacrae litterae et Ecclesia fasti solum deomonis errorumque omnium debellatricem. Enimvero Mariale Rosarium omnes, qui eius religionis petant societatem, communi vinculo adstringit tamquam fraterni aut militaris contubernii, unde validissima quaedam acies confistat ad hostium impetus repellendos, sive intrinsecus illis sive extrinsecus urgeamur, rite instructa atque ordinata. Quamobrem merito pii huius instituti sodales usurpare sibi possunt verba illa S. Cypriani: *Publica est nobis et communis oratio, et quando oramus, non pro uno, sed pro toto populo oramus, quia totus populus unum sumus* (4).—Ceterum eiusmodi precationis vim atque efficaciam annales Ecclesiae testantur, quum memorant et fractas navali proelio ad Echinadas insulas Turcarum copias, et relatas de iisdem superiore saeculo ad Temesvariam in Pannonia et ad Coreyam insulam victorias nobilissimas. Prioris rei gestae memoriam perent-

(1) Dialog. I. 1 c. 8.—(2) In Ps. CXV III.—(3) Act. I. 14.—(4) De orat. domini.

nem exstare voluit Gregorius XIII, die festo Instituto Mariae victricis honori; quem diem postea Clemens XI Decessor Noster titulo Rosarii consecravit, et quot annis celebrandum in universa Ecclesia decrevit.

Ex eo autem quod precans haec militia sit «sub divinae Matris vexillo conscripta», nova eidem virtus, novus honor accedit. Huc maxime spectat repetita crebro, in Rosarii ritu, post orationem dominicam angelica salutatio. Tantum vero adest ut hoc dignitati Numinis quodammodo adversetur, quasi suadere videatur maiorem nobis in Mariae patrocinio fiduciam esse collocandam quam in divina potentia, ut potius nihil ipsum facilius permoveat propitiumque nobis efficiat. Catholica enim fide docemur, non ipsum modo Deum esse precibus exorandum, sed beatos quoque caelites (1), licet ratione dissimili, quod a Deo, tamquam a bonorum omnium fonte, ab his, tamquam ab intercessoribus, petendum sit. *Oratio*, inquit S. Thomas, *porrigitur alicui dupliciter, uno modo quasi per ipsum implenda, alio modo, sicut per ipsum impetranda. Primo quidem modo soli Deo orationem porrigimus, quia omnes orationes nostrae ordinari debent ad gratiam et ad gloriam consequendam, quae solus Deus dat, secundum illud Psalmi LXXXII, 12: gratiam et gloriam dabit Dominus. Sed secundo modo orationem porrigimus sanctis Angelis et hominibus, non ut per eos Deus nostras petitiones cognoscant, sed ut eorum precibus et meritis orationes nostrae sortiantur effectum. Et ideo dicitur Apoc. VIII, 4, quod ascendit fumus incensorum de orationibus sanctorum de manu Angeli coram Deo* (2). Iam quis omnium, quotquot beatorum incolunt sedes, audeant cum augusta Dei Matre in certamen demerendae gratiae venire? Ecquis in Verbo aeterno clarius intuetur, quibus ar gustis premamur, quibus rebus indigeamus? Cui melius arbitrium permissum est pernoctandi Numinis? Quis matris pietatis sensibus aequari cum ipsa queat? Id scilicet caesae est cur beatos quidem caelites non eadem ratione precemur ac Deum, *nam a sancta Trinitate petimus ut nostri miseretur, ab aliis autem sanctis quibuscumque petimus ut orent pro nobis* (3); Implorandae vero Virginis ritus aliquid habet cum Dei cultu commune, adeo ut Ecclesia his vocibus ipsem complectat, quibus exoratur Deus: *Peccatorum miserere*. Rem igitur optatam praestant sodales a sacro Rosario, tot salutationes et Mariales preces quasi certa rostrum contextentes. Tanta enim Mariae est magnitudo, tanta, quae apud Deum pollet, gratia, ut qui opis egens non ad illam confugiat, is optet nullo alio remigio velare.

Alia etiam Sodalitatis, de qua loquimur laus est, nec praetereunda silentio. Quoties enim Marialis recitatione Rosarii salutes nostrae mysteria commententur, toties officia sanctissima, caelitem quodam Angelorum militiae commissa, similitudine quadam aemu-

(1) Cantic. Trid. sess. XXV.—(2) S. Th. 2.<sup>a</sup> 2.<sup>a</sup> q. LXXXIII, a. IV.—(3) Ib.

lamur. Ea ipsi, suo quaeque tempore mysteria revelarunt, eorum fuere pars magna, iisdem adfuerit seduli, vultu modo ad gaudium composito, modo ad dolorem, modo ad triumphalis gloriae exultationem. Gabriel ad Virginem mittitur nuntiatum Verbi aeterni incarnationem. Bethlehemicum in antro, Salvatoris in lucem editi gloriam Angeli cantibus prosequuntur. Angelus Iosepho auctor est fugae arripiendae, seque in Aegyptum recipiendi cum puero, Iesum in horto prae moerore sanguine exsudantem Angelus pio aequo solatur. Eundem, devicta morte, sepulcro excitatum, Angeli mulieribus indicant. Ejectum ad caelum Angeli referunt atque inde reversurum praedicant angelicis comitatum ceteris, quibus electorum animas edmisceat secumque rapiat ad aethereos choros, super quos *exaltata est sancta Dei Genitrix*. Piissima igitur Rosarii prece inter sodales utentibus ea maxime convenire possunt, quibus Paulus Apostolus novos Christi aedificios alloquebatur: *Accessistis ad Sion montem, et civitatem Dei viventis, Ierusalem caelestem, et multorum millium Angelorum frequentiam* (1). Quid autem divinius quidve suavius, quam contemplari cum Angelis cum iisque precari? Quanta niti spe liceant atque fiducia, fructuros olim in caelo beatissima Angelorum societate eos, qui in terris eorum ministerio sese quodammodo addiderunt?

His de causis Romani Pontifices eximii usque praeconiis Mariam huiusmodi Sodalitatem extulerunt, in quibus eam Innocentius VIII *devotissimam Confraternitatem* (2) appellat; Pius V affirmat, eiusdem virtute haec consequuta: *Cooperunt Christi fideles in alios viros repente mutari, haeresum tenebrae remitti et lux catholicae fidei aperiri* (3); Sixtus V, attendens quam fuerit haec institutio religioni frugifera, eiusdem se studiosissimum proficitur; aliis denique multi, aut praecipuis eam indulgentiis, iisque uberrimis auxere, aut in peculiarem sui tutelam, dato nomine variisque editis benevolentiae testimoniis, receperunt. Eiusmodi Decessorum Nostrorum exemplis permoti, Nos etiam, Venerabiles Fratres, vehementer hortamur vos atque obsecramus, quod saepe iam fecimus, ut sacrae huius militiae singularem curam adhibeatis, atque ita quidem, ut, vobis adnitentibus, novae in dies evocentur undique copiae atque scribantur. Vestra opera et eorum, qui e clero subdito vobis curam gerunt animarum, noscant ceteri e populo, atque ex veritate aestiment, quantum in ea Sodalitate virtutis sit, quantum utilitatis ad aeternam hominum salutem. Hoc autem contentione poscimus eo maiore, quod proximo hoc tempore iterum viguit pulcherrima in sanctissimam Matrem pietatis manifestatio per Rosarium, quod *perpetuum* appellant. Huic Nos instituto libenti animo benediximus; eius ut incrementis seculo vos naviterque studeatis,

(1) Heb. XII, 22.—(2) *Splendor paternae gloriae*, die 26 Februarii 1491.—(3) *Consueverunt R.R. P.P.* die 17 Septembris 1569.

magnopere optamus. Spem enim optimam concipimus, laudes praecaeque fore validissimas, quae, ex ingenti multitudinis ore ac pectore expressae, nunquam conticescant; et per varias terrarum orbis regiones dies noctesque alternando, conspirantium vocum concentum cum rerum divinarum meditatione coniungant. Quam quidem laudationum supplicationumque perennitatem, multis abhinc saeculis divinae illae significaverunt voces, quibus Ozias cantu compellabatur Iudih: *Benedicta es tu filia a Domino Deo excelso prae omnibus mulieribus super terram,..... quia hodie nomen tuum ita magnificavit, ut non recedat laus tua de ore hominum*. Iisque vocibus universus populus Israel acclamabat: *Fiat, fiat* (1).

Interea, caelestium beneficiorum auspicio, paternaeque Nostrae benevolentiae testem, vobis, Venerabiles Fratres, et clero populoque universo, vestrae fidei vigilantiaeque commisso, Apostolicam benedictionem peramanter in Domino impertimus.

Datum Romae apud S. Petrum die XII Septembris anno MDCCCXCVII Pontificatus Nostri anno vicesimo.

LEO PP. XIII.

(1) Iud. XIII, 23 et seqq.

